



**Peqqinnissaqarfimmik oqartussaaffiup Naalagaaffimmut utertseqqissinnaanera pillugu Naalackersuisut EM2021 -imut nalunaarusioqqullugit peqquneqarnissaannik inatsisartut aalajangiiffigisassaattut siunnersut. Nalunaarusiami qulaajarneqassapput oqartussaaffiup Naalagaaffimmut utertinneqarnerani qanoq aningaasatigut sulisoqarnikkut kiffartuussinikkut, nunatsinnut aamma peqqissartunut kinguneqassanersoq.**

(Atassutip inatsisartuni ilaasortaataitai)  
(siullermeerneqarnera)

Peqqinnissaqarfik eqqartoraangatsigu peqqinnissaqarfipput iluarinninnginnermik eqqartorneqakkajuttarpoq. Oqaluttuat tamakku ajoraluartumik nuannersortaanit soorunami taamaattoqarmat, malunnarnerusarput, taakkuli politikikkut oqallisiginngippallaakkagut.

Peqqinnissaqarfik inuunerissaarnissatsinnut pingaartuulluinnarpoq, inuunitsinniit toqussarput tikillugu peqqissutsitsinnik isumassuisarmat. Taamaattumik inuunitta ingerlanerani nalaattartussaavaarput, pisariaqartumik peqqinnissaqarfimmi sulisunik takunninnisarput.

Innuttaasunik misissuinerup takutippaa, peqqinnanngippallaamik inuuneqartugut, aammalu nunami maani amerlavallaat inooriatsimut tunngasumik nappaateqartut, peqqinnanngitsumik inuuneqarnerup kingunerisaanik. Taamaattumik Peqqissutsimut Naalackersuisoq isumaqatigaara, oqarmat, inuiaqatigiittut inuttullu ataasiakkaatut pingaarnerpaasut ilagigaat peqqinnarnerusumik inuuneqalernissamut akisussaassuseqarneq.

Susoqarnaviannigilaq, nammineerluta tassunga killinnginnissatsinnut akisussaaqataanissamut piuumassuseqanngikkutta, inuuniarnerput pissutigalugu peqqinnissaqarfimmi passunneqarnissatsinnik pisariaqartitsilerluta. Akisussaaqataanermik takutitsigutta napparsimasunut amerlasuunut, passunneqarnissaminnut pisariaqartitsivissortunut, nukinnik peqalissagatta.

Akisussaaffiup Naalagaaffimmut uterteqqinneqarnissaanut isumamut suna tunngaviunersoq paasiumaatsippara.

Nuna tamakkerlugu innutaasunut pitsaaneruseqarsimik sullissinissaq anguniarlugu suliniuterpasuaqarpoq. Suliniutit uagut politikikkut aallartissimasagut. Oqallisigisassat uagut nammineq aallartissimasagut. Aammalu suliniutit annaasassagut akisussaaffik Naalagaaffimmut uterteqqinneqassagalarpat.

Demokraatiniit kissatigineruarput, Naalagaaffimmik pitsaaneruseqarsimik sunniuteqarluartumillu suleqateqarnissaq maani nunatsinni peqqinnissaqarfimmut pitsaaneruseqarsimik sinaakkusiisussa.



Mianersuutissavarpulli Danmarkip tungaanuinaq isiginissaq. Aammali isigissavarpup, nunat allat suut suleqatigisinnaanerlugit.

Qunusuinnerusariaqarpugut politikikkut oqallisigissallugu, sinerissami peqqinnissaqarfimmi sulisunik neqerooruteqarusunnerluta. Taamaattumik Peqqinnissaq pillugu ataatsimiititaliarsuup suliaata malinnaaffiginnaanut qilanaarpugut, taanna siunissami peqqinnissaq pillugu aqqissuusseqqinnermut tunngaviliisussaammat.

Peqqinnissaqarfik suliffiussaag pilerinartoq, nunaqavissunut avataaniillu suliarortunut, uninngaannarnissaminut imaluunniit aggeqqinnissaminut kajungilersitsisussaag. Taamaattumik pingaaruteqarpoq, uagut politikikkut eqqartussagippup, peqqinnissaqarfimmi sulisunik qanoq ittunik atorfinitsitsissalluta kissaatiginerippup, qanorlu piginnaasaqassanersut.

Qanoq ililluta pitsaanagerusumik pinaveersaartitsisinnaavugut, taamaaliornitsigu qulakkeerlugu kinguaariit tulluuttut inuuniarnikkut nappaatinik maannakkut pioreersunik nalaataqannginnissaat piniarlugu, soorlu tamanna takutinneqarsimasoq kingullermik inuiaqatigiinnik misissuinermi.

Unammilligassarpassuaqarpugut, qularutiginngilaralu politikikkut piumassuseqartoqartoq ullumikkumit innuttaasut peqqinnerulernissaannut suliniuteqarusuttunik, tamannali inuttut akisussaassuseqarnermik pisariaqartitsivoq.

Naalakkersuisut isumaqatigaakka, isumaqarmata ajornartorsiut qaangersinnaanngikkippup akisussaaffiup allanut tunniutiinnarneratigut. Nalunngilara, Atassutikkut piumasarigaat, akisussaaffiup Naalagaaffimmut utertinneqarsinnaaneranut pitsaaqutit ajoqutaasullu erseqqissarnissaannik nassuiaasoqassasoq, una pineqarani taamaaliussanersugut taamaaliussannginnerisugulluunniit, uagulli Demokraatiniit isumaqarpugut pisariaqanngitsoq unalu isummerfigisassatut siunnersuut itigartinneqassasoq, taamaattoq qujarusuppugut oqallisissiaq qaqqinneqarmat.